

www.docsriver.com 定制及广告服务 小飞鱼
更多**广告合作及防失联联系方式**在电脑端打开链接
<http://www.docsriver.com/shop.php?id=3665>



www.docsriver.com 商家 本本书店
内容不排斥 转载、转发、转卖 行为
但请勿去除文件广告宣传页面

若发现去宣传页面转卖行为，后续广告将以上浮于页面形式添加

www.docsriver.com 定制及广告服务 小飞鱼
更多**广告合作及防失联联系方式**在电脑端打开链接
<http://www.docsriver.com/shop.php?id=3665>



www.docsriver.com 定制及广告服务 小飞鱼
更多**广告合作及防失联联系方式**在电脑端打开链接
<http://www.docsriver.com/shop.php?id=3665>



www.docsriver.com 商家 本本书店
内容不排斥 转载、转发、转卖 行为
但请勿去除文件广告宣传页面

若发现去宣传页面转卖行为，后续广告将以上浮于页面形式添加

www.docsriver.com 定制及广告服务 小飞鱼
更多**广告合作及防失联联系方式**在电脑端打开链接
<http://www.docsriver.com/shop.php?id=3665>



近代中國史料叢刊第八十二輯

沈雲龍主編

黃留守(興)書牘

吳硯雲編

文海出版社
有限公司印行

吳硯雲編

黃畝田守書牘

黃留守書牘卷上目錄

致各省辭參謀長就任留守

就任留守後之公啓

致各都督維持禮教

覆副總統贊同軍民分權

覆國務院論各省訂購軍械

致總理及理財總長索款救急

再致總理及理財總長告急

覆理財部熊請撥餉款

致各省提議勸募國民捐

致各省都督及議會反對借款條件

www.docsriver.com 定制及广告服务 小飞鱼
更多**广告合作及防失联联系方式**在电脑端打开链接
<http://www.docsriver.com/shop.php?id=3665>



www.docsriver.com 商家 本本书店
内容不排斥 转载、转发、转卖 行为
但请勿去除文件宣传广告页面

若发现去宣传页面转卖行为，后续广告将以上浮于页面形式添加

www.docsriver.com 定制及广告服务 小飞鱼
更多**广告合作及防失联联系方式**在电脑端打开链接
<http://www.docsriver.com/shop.php?id=3665>



一
致中央及各省條陳國民捐辦法

致中央及各省主張發行不兌換券

致中央及各省條陳設國民銀行及銀公司辦法

致國務院請宣佈毀約

致程陳二都督申明國民捐收款辦法

●附蔡都督取消借款辦法及提倡愛國公債兩電

●附江北護軍使劉對於國民捐致中央及各省之痛哭陳辭電

致熊總長請即取消借約

致熊總長再請消毀借約

●附熊總長覆電

致四川陸軍全體獎譽助捐

致劉護軍使謝贊助國民捐事

致吉林陳都督

致奉天聶協統

致大總統及各省申明南方政財及反對借債原因

●附熊總長致副總統及各省布告借款委曲情形電

●附留守府總參謀致熊總長電

黃留守書牘卷下目錄

致各省報館論禁烟事

致交通部請獎勵電報員司

致稽勳局馮商辦調查事

致教育部蔡論編教科書事

致中央政府論移兵

致中央及各省表彰朱劉二司長

●附國務院復電

致各報館宣布匪徒搶掠

致大總統報告兵變引咎

致蘇都督安置散兵

致實業部及湘皖蘇贛滬五都督解散漁業統一黨

致督督閩派代表蒞吳君祿貞追悼會

致直都督張謇葬灤州死義諸烈士

致中央及各省報告遣散第三旅全軍

致袁總統請催程督來甯

致各報館報告取消軍隊

覆兵工學校

覆民國協濟會

覆嘉定民政長許

覆光復軍李

致天津國民捐聯合會

致各報館報告職員俸捐充捐

復柳達陳述國民捐意見

復王柳生國民捐簡章函

致中華報爲婁紹景斷指勸捐

致中央及各省卸職陳情

致大總統國務院再請銷職

致程都督實行解職

致中央及各省通告解職

致副總統

委任長江水師總司令通告

批賀鏡吾呈

批共和宣講團呈

批曾天飛呈

安慰軍民示

解職敬告諸將士文

解職佈告各界文

維持貧兒教養院公啓

附錄

勸募國民捐章程

黃留守書牘目錄終

黃留守書牘卷上

致各省辭參謀長就任留守

頃接袁大總統命以興繼任參謀總長。並統轄兩江一帶軍隊。自惟與海內同志起義以來。力小任重。時虞覆餗。決意事定之後。解職歸農。已將此意屢次表明。况參謀總長職任綦重。非興材力所能勝任。已復電力辭。至兩江一帶軍隊。維持整理。刻不容緩。興縱懷歸隱之志。斷不敢置經手未完事宜於不顧。以負我軍界同胞。已商請唐總理。妥定辦法。務使南方各軍隊。布置得宜。各安其所。俟布置大定。始行告退。以遂初志。諸祈鑒察。

就任留守後之公啟

鄙人承乏留守。實因南京軍隊尙待整理。故暫任斯職。俟辦理就緒。卽當歸田。署內一切設施。概從簡約。而懷才欲試之士。近多誤會。以致遠道頻來。薦書盈尺。在諸君

殷勤相與。意誠不薄。而鄙人迫於事勢。未能一一延請。心實難安。况民國用人行政。務求實際。從前乾修諸名目。理應一律剷除。所有款項。均屬國帑軍需。籌措極難。未便遽以私情。移贈旅費。兼以軍事紛繁。昕夕靡暇。復書接見。實未能周。徒使諸君旅館淹留。益滋媿歎。茲特聲明。嗣後親族故舊。非經鄙人函電敦約而來者。恕未能一概招待。謹此奉佈。統希諒鑒。

致各都督申明禮教

各都督均鑒。民國初建。首重紀綱。我中華開化最古。孝弟忠信。禮義廉恥。夙爲立國根本。卽爲法治精神。以忠言之。乃盡職之義。古人所稱上思利民。以死報國之類是也。以孝言之。親親而外。立身爲要。昔賢遺訓。如好貨財。私妻子。縱耳目之欲。以爲父母戮。推而至於戰陣無勇。舉爲烟戒。是也。蓋忠孝二字。實包身與國家社會而言。於個人則爲道德。于人羣則爲秩序。東西各國禮治法治。雖有不同。而大本大原。終未嘗相背。秦漢以降。學說龐雜。道化凌夷。君主私其國家。而忠之一字。解釋最誤。竟以

奴事一人。爲確證。循至胡虜僭位。奉爲神明。專制淫威。流毒滋甚。骨肉參商。憂時之士。瞻懷世變。積痛在心。謂非破此錮習。無以尊。但前舉弊端。非誤於國民之崇尚忠孝。實誤於國民不知忠孝。忠。爾混視。此次起義。全國一心。父詔兄勉。前仆後繼。復九世之深仇。莫非忠于民國。孝于宗親之一念所致。故政治革命。家庭革命。諸。教起見。初非有悖於忠孝之大原。而比來年少。每多誤會。共和議。反致湮晦。至有謂古人設此等諛詞。皆所以愚惑黔首。殊爲大謬。戒。則必不孝不弟不忠不信。自相殘賊而後。可以禮義廉恥爲病。廉無恥。淪于禽獸而後。可循。是以往。將見背父棄母。認爲自由。踰。政令不行。倫理蕩盡。家且不齊。國於何有。孟子所謂猛獸洪水之。年奔走。志在保邦。觀此危機。五內焦灼。應請通令全國各學校教。邪說橫行。致令我神明胥裔。誤入歧途。保國保種。惟此是賴。伏祈。

覆副總統贊同軍民分權

侵權兩電均已誦悉。尊意擬將軍務民政劃界分權。誠為至論。民政為平時行政最要部分。泰西各國近甚注意。所以保持安甯。增進幸福。國家生存。端賴乎此。軍務性質。乃屬特別。混而為一。實成兩敗。強則把持。弱則廢弛。軍無節制之實。民有凋敝之憂。流弊愈深。譬舟靡屆。前清蹈此。致速覆亡。民國初興。權限未析。建設方始。重在民生。豈可沿訛貽誤。來軫務當早日分釐。期與各國一致。庶幾軍民安帖。分道進行。我公愛國銘心。救時有道。屢披來電。輒想仁風。陳賈誼之策。痛哭時聞。讀陸贄之文。指掌如數。凡茲碩畫。實屬私衷。敢乞主持。無任拜禱。

覆國務院論各省訂購軍械

准有日通電。敬悉詳釋尊旨。自係為圖謀統一起見。但查各省購械情形。雖有不同。要無非因地方秩序未復。土匪蠢動。宗社黨到處煽惑。軍械不容缺乏之故。且各省經濟困難。百計羅掘。僅能購有此數。良非易易。若逕一律收回。電關扣留。似於目前

情形諸多窒碍。且恐因此遂釀他變。輿對於此事亦已籌畫再四。不得已故前曾擬具特別護照。商由唐總理轉溫交涉使與滬稅司交涉免稅。實欲就已購之械。分別准駁。而將來亦可藉以稽查約束。免至濫購。現各省紛紛來領此項護照者。已屬不少。今准來電。又忽與前項辦法。事出兩歧。似亦有所未安。擬請貴院仍將前令變通。凡在中央政府未成立以前。各省所購軍械。無論已未到關。凡持有本府護照者。應請稅司一律免稅放行。一面通電各處。此後不得再由各該省逕自訂購。以歸劃一。鄙見如此。尚希斟酌。示復爲荷。

致總理及理財總長索款救急

此間經濟又已告罄。千方羅拙。敷衍至今。日來奇窘之狀。幾於不敢告人。不但各軍積欠餉項。無從發給。即目前火食。已無術支持。告急之聲。不絕於耳。似此情形。一兩日內。必有絕大險象。務懇無論如何。請由尊處火速電知中國銀行。立撥百萬元。以救眉急。萬分危迫。立盼電復。

再致總理及理財總長告急

告急一電。諒邀鑒察。未蒙賜復。五內焦灼。前尙可藉軍鈔救濟。今則坐困窮城。此間軍隊火食。已數日不能發給。今日有數處。竟日僅一粥。每日索餉者。門爲之塞。危險情形。日逼一日。加以急報密陳。日必數十至。譁潰之勢。已漸發端。二日內。倘再無款救甯。大亂立至。興德薄。能鮮支持。至今實已才盡力竭。此後東南大局。如有變亂。則輿不能負此責任。合先陳明。想大總統暨諸公救國爲懷。當不至坐視此間之糜爛。危在旦夕。用敢密陳。無任迫切待命之至。

覆理財部總長熊請撥餉銀

頃奉測電及刪二電。已悉借款爲難情形。公艱苦卓絕。不辭勞怨。稍知大局者。皆當曲諒。何惡名之有。民國前途。艱巨萬狀。尤望公力任其難。此間待款。萬分迫切。前借三井二十五萬。早已到手一空。前清滬道存款。能否到手。殊不可靠。且於上海市面關係甚切。亦未便過事逼索。承撥匯豐借款一百三十萬兩。請電囑英達諗君。迅換

銀行鈔票三百餘萬。解軍以救危急。惟區區此數。仍屬杯水車薪。支付立盡。尙乞速擴大宗接濟。俾敵處得以按日實行所定裁兵計畫。迅速了此殘局。否則節節敷衍。終無止局也。

致各省提議勸募國民捐

男女同胞均鑒。民國肇興。政府成立。建設之事。無慮萬端。而要以厚民生強國力爲本。則此後所最當研究者。財政問題是也。今之論者。見需款甚鉅。而國內經濟。久已支絀。難於籌措。於是乎一棄其在。前清時代所主張之外債拒絕論。而利用其投資以應吾急。是說也。多數明通之士。類能知之。蓋誠非得已耳。雖然。與猶有說焉。天下之患。常伏於所倚。拒債所以杜外患。而政事不無廢弛。借債可以應急需。而國權未免虧損。在主張借債論者。夫豈不曰。前清時代。公款之用途不明。投資未屬於生產。而民國則無之。然不知起義以來。公家事業。多付闕官。署新設軍隊。環布籌置。整理需款浩繁。將來所借鉅款。能否卽用於生產之一途。尙未可知。而擔負抵押國家

負累已甚。則較之空言拒債。而不別籌善後方法。坐視衰敗者。其弊將毋同。故買賣然。徒言拒債者。因噎廢食之見也。斷斷然多言借債者。貪餌吞鉤之爲也。兩者均未見其可。與盱衡時局。統籌國計。終夜旁皇。靡知所措。顧深念權借外債。原屬萬不得已。若恃爲唯一方法。而其危險。將至債額日高。債息日多。債權日重。抵押從此益窮。監督財政之舉。且應時以起。二十年來。忠義奮發之士。所以奔走呼號於海內外。糜項捐軀。不稍稍顧惜者。徒以救國故。徒以保種故。徒以脫奴籍而求自由故。乃一旦幸告成功。因借債以陷入危境。致使艱難締造之民國。淪爲埃及。此則興血湧心瀉。所不忍孤注一擲者也。夫國家者。吾人民之國家。與其將來殉債而致亡。毋寧此時毀家以紓難。況家未至毀。而可以救國不亡。亦何憚而不爲。則惟有勸募（國民捐）以減少外債之輸入乎。吾國人數約計四萬萬。其中赤貧如洗者。與夫偏地災黎。固無餘力可以捐助國款。而中人以上之產。即可人以銀幣一圓爲率。最富者。更可以累進法行之。所得較多者。亦可仿所得稅法徵之。選許收入。裒多益寡。當不下四萬

萬圓於特別勸募之中。仍寓公平徵取之意。在貧者不至同受牽累。在富者特著義聲。而仍不失爲富。且捐率有定。可免藉端苛擾之虞。而國家驟得此鉅款。以資接濟。俾得移新借外債。盡投入生產事業。後來工作繁興。利源充裕。以公經濟之發達。調和社會私經濟。貧者可因依生活。富者經營寔業。可由國家提挈或補助之。而前此外債更易償還。豈非兩得之道乎。使果全恃外資挹注。則初次所借鉅款。祇可供革命後之收束。既如前所述。而生產資本。更待外求。縱有贏餘。無論誤時已久。卽補初次積欠。猶恐不足。循至債臺愈高。上下交困。倉皇束手之際。仍不能不取求於吾民。彼時雖竭澤而漁。國已不可救藥。行見淪胥以亡耳。此籌國者所不可不早計也。與豈不知今日民生。半多凋瘵。而故倡此不韙之論。誠以兩弊相衡。宜取其輕。大局至危。惟呼將伯。天下往往有至苦之言。聽者狃於聞見。不加諒察。遽相詰難。以是智者多塞口。致誤事機者屢矣。昔普法戰爭。法認賠普款二十萬萬。其人民土地少於我。何止十數倍計。而負此鉅款。一呼捐集。卒成強國。誠曉然於計學公例。利公卽所以

利國鐵路此路興辦之端

支暫時墊款章程。不勝駭異。查該章程損失國權處極多。其最甚者。如發給軍餉及遣散軍隊費用。均須由海關稅務司或銀行核計員會同簽押。其領餉清單。並須以一分送交核計處稽核。且對於軍餉。予該稅司及核計員以調查應需之便利。此種章程。匪獨監督財政。並直接監督軍隊。軍隊爲國防之命脈。今竟允外人干涉至此。無異束手待斃。埃及前車。實堪痛哭。二十年來。海內各志士赴湯蹈火。粉身碎骨。所辛苦締造之民國。竟一旦斷送於區區三百萬之墊款。吾輩一息尙存。心猶未死。誓不承認。熊希齡身負重任。竟敢違法專斷。先行簽約。悍然不顧。此而可忍。孰不可忍。聞章程已提交參議院核議。祈痛加駁斥。責令毀約。一面請由大總統提交參議院議決。發行不兌換券。以救目前之急。並實行國民捐。以爲後盾。南方人心。異常憤激。皆願自輸膏血。以救危亡。望大總統暨參議院諸公。毅然決然。立即施行。勿懷疑懼。卽本留守直轄各軍隊。欠餉已久。危迫萬狀。均不甘受此亡國滅種之借款。爲飲鳩止渴之圖。總之吾輩九死一生。祇知以愛國保種爲前提。有破壞我民國斷送我民

國者。卽視爲民國之公敵。決不稍存黨見。顧惜私交。區區此心。可誓天日。臨電痛切。淚盡聲嘶。伏惟諒鑒。共保大局。等語。謹以奉聞。此舉關係存亡。卽乞貴處速電抗拒。責令毀約。並請主張發行不兌換券。及實行國民捐。以救危急。無任企禱。其墊款合同及監視章程如下。

計開墊款合同云。中國政府。因本銀行團代表。現在倫敦會議。撥付中國大宗方法。令先行墊付上海平銀三百萬兩。以應急需。本銀行團現已將此三百萬兩備齊。靜候撥用。但中國政府必得照以後所開各節辦理。此款磅價。已由銀行團定爲合上海平。在上海交銀一百五十萬兩。其餘一百五十萬兩。在北京以公砵平核算撥付。茲將各節開列于後。(一)此次三百萬兩。先行墊付之款。應照本年三月初九日。銀行團與袁大總統所墊三百一十一萬兩同一辦理。函件備齊時。亦應如前封固。送交銀行團。本團所出之鈔票。此等鈔票。係註明本年五月十七日所出。除應扣者之外。其數應等於所墊付之數。此墊付之款及鈔票。皆以現行之團

釐作抵。以後無論何等借款。此墊付之款。應儘先償還。(二)道勝正金兩銀行所代表日俄之資本團。已承中國政府許可邀入。所有借款事件。即當各任六分之一。但此函簽字人。該兩銀行現未列入。一俟各方面商洽之後。無論先借後借之款。皆當爲一體看待。該時再由中國政府與六國銀行。或即銀行團訂正式合同。(三)當銀行團代表。在倫敦會議。每月若何撥款之際。中國政府當嚴守本年三月十九日函內之第三第四兩條。即各省長官。遇有借款事宜。須先向銀行團磋商。否則政府不得允許。(四)此三百萬兩墊款。開支時。即須照所議監視開支章程辦理。此墊款之一百五十萬兩。係爲收回中國銀行所出軍用票之用。因此中國政府即命在上海之本銀行團。將此款撥交中國銀行。並取回收據。其如何交付之法。聽其彼此商定。此款開支之際。所有流行及取消之票。應送交銀行團查核。以符定章。

又監視開支暫時墊款章程云。(一)在財政部附近地方。設立核計處。用核計員

二人。一由銀行任用給薪。一由中國政府任用給薪。其他需用之中外人員。由該核計員等選派。薪俸俱由政府支給。(二)凡向銀行提款撥款一切支票。須由該核計員等簽押。(三)財政部定隨時將各項用途。預具說帖。送交銀行團核允。此項說帖。經參議院核准之後。應即允登官報。每次開支時。財政部備具應有詳細清單說帖等類。送交核計員。以資查核。該核計員查對無誤。應即照章簽字支單。不得再問。(四)每次開支款項。均須具詳細領款憑單。按照新式簿記法辦理。此項憑單。財政部須編訂存留。以備核計員在核計處稽覈。(五)關於各省發給軍餉暨遣散軍隊費用。須由該地方軍政府。備三聯領餉清單。由中央政府委派高等軍官。及該地方海關稅司。會同簽押。並須予該軍官稅司以調查應需之便利。此項簽押之三聯清單。一分存該省都督府。一分存陸軍部。其餘一分與領款憑單。一同送交北京財政部。再由該部送交核計處稽核。(六)預備支付之款。應由稅司存儲。爲節省匯費起見。由中央政府派該地方稅司。得由海關收入項下撥

款。但須預由該核計員等。由暫時墊款項下。照所撥關稅數目支出。匯存上海總稅司存款項下。如稅司所有款項。不敷撥用。可由該核計員等將不敷之數。從暫時墊款內開支票滙補。(七)如在北京及其附近地方。發放軍餉。或遣散軍隊。由中央政府派一高等軍官。會同該核計員。將三聯領餉清單。查核簽押。並予該軍官核計員等。以監查應需之便利。該項簽押之三聯清單。一分交陸軍部。一分與領餉憑單。俱交財政部。其餘一分。由核計處收存。

致中央及各省條陳國民捐辦法

豔電提議國民捐。諒邀鑒察。現在借款一事。愈出愈奇。名爲磋商。實甘愚弄。財政軍政。均受監督。國權喪盡。生命隨之。故觀此次墊款合同。及監視開支章程。而不痛心疾首者。非人也。於此而欲救亡。舍亟募國民捐。以爲後盾。決無幸理。旬日以來。南省輸捐。極爲踴躍。北省應者亦多。如果辦理得法。非特不難湊集巨款。實足增長國民愛國心。今口集衆見。擬將民間從前所納軍餉。一律酌換公債票。週年照章給息。以

便一意舉辦國民捐擬訂簡章二十餘條。大要以資產計算。除不滿五百元之動產不動產。捐額多少。聽國民自便外。其餘均以累進法行之。五元至千元爲一級。納捐千分之二。由千元至二千元爲一級。納捐千分之三。二千元至五千元爲一級。納捐千分之四。由五千元至二萬元。每五千元爲一級。二萬元至三萬元爲一級。均遞加千分之一。至千分之八爲止。三萬元至五萬元爲一級。遞加千分之二。五萬元至十萬元爲一級。遞加千分之四。十萬元至二十萬元爲一級。遞加千分之六。至千分之二十爲止。由二十萬元至百萬元。每十萬元爲一級。遞加千分之十。至千分之百爲止。百萬元至五百萬元。遞加千分之百二十五。五百萬元至千萬元。遞加千分之百四十。十萬元以上。統以千分之百六十推算。凡超過每級之價額。在萬元以下。數不滿百元。十萬元以下。數不滿千元。百萬元以下。數不滿萬元。五百萬元以下。數不滿萬元。千萬元以下。數不滿十萬元者。仍照原級計算。至政學軍商各界及各工廠之職工等。除以資產計算納捐外。應按照其月俸多寡。分別納捐十分之一。二。以三個月

爲限。月不滿十元者。捐納多少。聽便。其有捐至百元以上者。由政府另給證書。例外特捐至百元以上者。給予銅牌。千元以上者。給銀牌。萬元以上者。給予金牌。其收欸用聯單。由財政部製成蓋印。省議會加印。分別存根。存查。持票收執。四種。凡經手人。非有此聯單。不得收欸。欸由城鎮鄉各公共團或銀行收集列榜。而彙總於財政司。隨時交銀行生息。登報公布。並由省議會稽查。非經國會認可。不得指發。以昭慎重。似此不另設局。不另支薪。可免虛糜。而歸實用。大信既昭。人民無疑。詳章另呈。乞大總統速交參議院議決施行。以全大局。無任盼禱。

致中央及各省主張發行不兌換券

借款事喪權辱國。萬不承認。敝處力請毀約。並主張發行不兌換券。及實行國民捐一電。計達覽。竊謂不兌換券。爲救目前危急之最重要辦法。同時實行國民捐。所收之欸。即可作爲不兌換券預備金。於財政上絕無恐慌。務乞立斷施行。大局幸甚。擬訂國民捐章程。隨即摘要電請核定。

致中央及各省條陳設國民銀行及銀公司辦法

此次借款合同及監視開支章程損失國權甚鉅。關係存亡。昨電痛挾危迫情形。力請毀約。并主張發行不兌換券。及實行國民捐。本日又電請以國民捐為新發不兌換券之預備金。諒均蒙鑒察。惟國民捐只可救急一時。仍不能無維持永久之策。以持其後。六國銀行團。所以敢於挾彼債權。制我死命者。固由於我中央政府無整理財政之能力。亦由各省無完固之金融機關。以致資本散在民間。不得集收。以儲為國家之外府。實力因而薄弱。今欲使國家與吾民有兩利而無一害。除亟辦國民捐。宜再由各省自行集合人民資本。以組織國民銀行。并由國民銀行協力組織一國民銀公司。國家如有急需。國民銀公司得與政府直接交涉。酌量需款多寡。轉向國民銀行告貸。凡中央政府所承認六國合同。乃監督抵押各條件。悉收回於國民銀行之手。款自我出。權自我操。大信既昭。財力益厚。平時則藏富民間。有急則貸與國用。乘此機會。以擴張民權。實行監督政府。較之乞憐外人。喪權鬻國者。其安危相較。

奚啻天壤。我國民義勇現時財產之完全。并可東之資格。永爲民國政此。若猶遲疑審願。或恐監督政府。固極森嚴。萬國個人私產。終必同歸。然決然從速舉辦。無任計開。(一)每省籌設本。其額數至少須在一分股。一元爲一小。上於一月內繳足者。爲股東利息紅利及

概由各省商會經理。發行股票。(一)國民銀行成立。在國家財政完全整理之前。有於其制限內發行兌換券之權。(二)國民銀行貸款於政府時。必取得確實相當之抵押品。(三)在上海設立國民銀公司。由國民銀行協同組織之。其職權如下。(甲)爲政府爲貸借之交涉。(乙)監視政府借款之用途。(丙)量各銀行資力以分配籌貸。

致國務院請宣佈毀約

三十一日電悉。發行不兌換券。已由蔣次長電復。卽日照辦。是專爲毀約而計。此事須南北一致。斷不可紛歧。乃外間喧傳。中央仍一面借外款。一面發行不兌換券。羣情惶惑。請卽將毀約情形。明白宣示全國。無任盼禱。

致程陳二都督及報館申明國民捐收款辦法

國民捐一事。蒙各界同胞盡力提倡。踴躍輸將。具徵我國民熱誠愛國。好義急公。無任欽佩。惟茲事重大。未可率爾從事。前經電請中央政府。擬定章程。提交參議院議

決宣布以期一致進行。庶足以昭信用而杜流弊。現在各界有願輸捐者。應俟章程宣布。收款機關指定。通告後始行繳納。此時各同志只能喚起一般國民義務心。不得以私人資格。收受捐款。誠恐勸導伊始。而一二營私者。或致乘機欺騙。轉失熱誠。諸君子愛國之苦心。於國民捐前途。實多窒礙。請由尊處隨時勸告查禁。以維公益。至爲盼禱。

附滇都督蔡致中央政府及各省取消借款辦法及提倡愛國公

債

借款問題。糾葛數月。尙未解決。外人乘我之急。多方脅以謀我。借債雖成。損失必巨。而政府之亟亟於此。雖犧牲利權。蒙垢忍辱。而不稍顧恤。國民之吞聲飲泣。而莫敢伸異議者。亦以爲安插定大難建大功之軍人耳。乃外人於借債之條件。一則曰監督財政。再則曰監察撤兵。且思要索利權。斷斷債務。不遂不止。埃及痛史。不見於亡胡竊國之日。而成於共和成立之初。人心未死。詎復堪此。

逼迫而成此局者。實爲我神聖之軍人。則軍人實禍之首。罪之魁也。吾知稍具天良者。必不受此嗟來之食。以保吾國命。鏘竊擬辦法數端。(一)立將借債念頭打斷。如有成議。則卽取消作廢。(二)照黃留守倡辦國民捐。其捐款者仍填給公債票。(三)痛陳借債利害。使軍人盡曉大義。自行解散歸里。僅由公家酌給川資。將校尤應以身作則。(四)各省於財政應自爲謀。不僅不作待哺於中央之想。且應以所餘奉之中央。恢復昔年之舊况。各省軍人有不知大義。或思擁兵自雄。或作殃民者。照陳都督炯明對待黃和順石錦泉例。決不與共戴天。舉國共棄之。以上數端。勢在必行。滇中之確有把握。絕無流弊。數月以來。已裁去防軍幾三十營。陸軍亦行將分別退伍遣散。滇省夙稱貧瘠。常仰給於中央。亦願勉力支持。不求指撥。免致陷政府於破產之地。而貽國家以覆亡之憂。愚昧之見。如蒙贊同。卽請電陳中央。立廢借債之議。民國存亡。在此一舉。滇都督鏘叩。